

## **Otvoren proces javnih konsultacija o Nacrtu odluke o cijenama stručnog ispita za upravitelje prijevoza i za vozače u međunarodnom cestovnom prijevozu**

Ministarstvo komunikacija i prometa Bosne i Hercegovine započinje proces javnih konsultacija o Nacrtu odluke o cijenama stručnog ispita za upravitelje prijevoza i za vozače u međunarodnom cestovnom prijevozu.

U skladu sa Pravilima za konsultacije u izradi pravnih propisa u institucijama Bosne i Hercegovine ("Službeni glasnik BiH", broj 5/17), proces javnih konsultacija je otvoren u periodu od 4. 3. 2019. do 19. 3. 2019. godine.

Pozivamo Vas da učestvujete u konsultacijama i svojim primjedbama, sugestijama i prijedlozima date doprinos izradi što kvalitetnijeg propisa.

U konsultacijama možete učestvovati putem internetske stranice dostupne na sljedećem linku: <https://www.ekonsultacije.gov.ba/>.

Voditeljica konsultacija je Dinka Maslo: [dinka.maslo@mkt.gov.ba](mailto:dinka.maslo@mkt.gov.ba).

Za one koji prvi put učestvuju potrebno je izvršiti prijavu unutar sistema eKonsultacije, koji se nalazi na sljedećem linku: <https://ekonsultacije.gov.ba/account/login>.

Nakon prijave u sistem eKonsultacije, u padajućem meniju odaberite instituciju – Ministarstvo komunikacija i prometa Bosne i Hercegovine - kliknite stranicu "KONSULTACIJE" i izvršite odabir predmetnog Prijedloga odluke a potom kliknite na prozor „UČESTVUJ“, nakon čega će se otvoriti mogućnost davanja pojedinačnih prijedloga ili komentara po članovima Prijedloga odluke.

## **PRIJEDLOG**

Na osnovu člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08) i čl. 31., 34., 35. i 36. Pravilnika o uvjetima za izdavanje licence i kvalifikacijske kartice vozača („Službeni glasnik BiH“, br. 77/14 i 65/18), na prijedlog Ministarstva komunikacija i prometa Bosne i Hercegovine, Vijeće ministara Bosne i Hercegovine na \_\_\_\_\_. sjednici održanoj \_\_\_\_\_ 2019. godine, donijelo je

## **ODLUKU**

### **O CIJENAMA STRUČNOG ISPITA ZA UPRAVITELJE PRIJEVOZA I ZA VOZAČE U MEĐUNARODNOM CESTOVNOM PRIJEVOZU**

#### **Član 1.**

##### **(Predmet Odluke)**

- (1) Ovom Odlukom utvrđuju se cijene stručnog ispita za upravitelje prijevoza u međunarodnom cestovnom prijevozu, stručnog osposobljavanja za stjecanje početnih kvalifikacija i provođenje stručnog ispita sa izdavanjem potvrde, provođenje periodičnog osposobljavanja sa izdavanjem potvrde, vozača u međunarodnom cestovnom prijevozu, te način uplate i raspodjele uplaćenih sredstava.
- (2) Cijene iz stava (1) ovog člana utvrđuju se po kandidatu.

#### **Član 2.**

##### **(Cijena ispita i osposobljavanja)**

- (1) Cijena provođenja stručnog ispita i izdavanje potvrde o stručnoj osposobljenosti upravitelja prijevoza u međunarodnom cestovnom prijevozu, iznosi 121,00 KM.
- (2) Cijena osposobljavanja za stjecanje početnih kvalifikacija uključujući troškove provođenja stručnog ispita i izdavanja potvrde o stručnoj osposobljenosti za vozača u međunarodnom cestovnom prijevozu, iznosi 345,00 KM.
- (3) Cijena periodičnog stručnog osposobljavanja uključujući troškove izdavanja potvrde o stručnoj osposobljenosti za vozača u međunarodnom cestovnom prijevozu, iznosi 194,00.
- (4) Stručna organizacija je dužna pravodobno obavijestiti kandidate o mjestu i vremenu održavanja usmenog i/ili pismenog ispita.

#### **Član 3.**

##### **(Izveštavanje i raspodjela sredstava)**

- (1) Utvrđeni iznos sredstva iz člana 2. st. (1), (2) i (3) ove Odluke kandidat uplaćuje na račun stručne organizacije koja provodi osposobljavanje, prije provođenja stručnog ispita i izdavanja potvrde o stručnoj osposobljenosti.

- (2) Stručna organizacije iz stava (1) ovog člana, jednom mjesečno izvještava Ministarstvo komunikacija i prometa Bosne i Hercegovine (u daljem tekstu: Ministarstvo), o radu i provednim ispitima i osposobljavanjima, a u skladu sa instrukcijom Ministarstva.

#### **Član 4.**

##### **(Stupanje na snagu i objava)**

- (1) Danom stupanja na snagu ove Odluke prestaje da važi Cjenovnik stručnog osposobljavanja i ispita upravitelja prijevoza i vozača u međunarodnom cestovnom prijevozu („Službeni glasnik BiH“, broj 8/12).
- (2) Ova Odluka stupa na snagu narednog dana od dana objavljivanja u „Službenom glasniku BiH“.

**VM broj        /19**  
**\_\_\_\_\_ 2019. godine**  
**Sarajevo**

**Predsjedavajući**  
**Vijeća ministara BiH**  
**Dr. Denis Zvizdić**

## **O B R A Z L O Ž E N J E**

### **I PRAVNI OSNOV**

Pravni osnov za donošenje ove Odluke sadržan je u članu 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08) prema kojem, Vijeće ministara Bosne i Hercegovine u ostvarivanju svojih prava i ovlaštenja donosi odluke.

Članovima 31., 34, 35. Pravilnika o uvjetima za izdavanje licence i kvalifikacijske kartice vozača ("Službeni glasnik BiH", br. 77/14 i 65/18) definirano je da upravitelj prijevoza i vozač u međunarodnom cestovnom prijevozu moraju proći odgovarajuće obuke kako bi imali određeno stručno obrazovanje kao i potvrdu kojom to dokazuju.

Članom 36. Pravilnika o uvjetima za izdavanje licence i kvalifikacijske kartice vozača definirano je da cjenovnik stručnog osposobljavanja i ispita upravitelja prijevoza i vozača u međunarodnom cestovnom prijevozu, na prijedlog Ministarstva komunikacija i prometa Bosne i Hercegovine, uz prethodno pribavljeno mišljenje ovlaštenih organa, odlukom utvrđuje Vijeće ministara Bosne i Hercegovine.

### **II RAZLOZI ZA DONOŠENJE**

Ministarstvo komunikacija i prometa Bosne i Hercegovine donijelo je Pravilnik o uvjetima za izdavanje licence i kvalifikacijske kartice vozača („Službeni glasnik BiH“, br. 77/14 i 65/18) (u daljem tekstu: Pravilnik) čijim stupanjem na snagu je prestao važiti Pravilnik o uvjetima za izdavanje licence i kvalifikacijske kartice vozača („Službeni glasnik BiH“, br. 81/11, 105/12, 32/13, 76/13 i 18/14)

Postupak stručnog osposobljavanja upravitelja prijevoza i vozača u međunarodnom cestovnom prijevozu uređen je u poglavlju V – Stručno osposobljavanje i provođenje ispita te je članom 36. Pravilnika, od strane Vijeća ministara Bosne i Hercegovine, propisano utvrđivanje cjenovnika za obavljanje poslova provođenja propisanog stručnog osposobljavanja.

U cilju pripreme Prijedloga odluke Ministarstvo komunikacija i prometa Bosne i Hercegovine (u daljem tekstu: Ministarstvo) zatražilo je od Srednje strukovne škole s pravom javnosti „Centar za obrazovanje“ Široki Brijeg (u daljem tekstu: stručna organizacija), ovlaštene za provođenje poslova stručnog osposobljavanja, a izabrane na način propisan članom 29. Pravilnika, da dostavi prijedlog cjenovnika, sa obrazloženjem u kojem će navesti kriterije kojima su se vodili pri formiranju cijena pojedinih usluga provođenja stručnog osposobljavanja upravitelja prijevoza i vozača u međunarodnom cestovnom prijevozu.

Na osnovu Odobrenja Ministarstva komunikacija i prometa Bosne i Hercegovine, broj 01-04-02-2-6173-2/11 od 23.12.2011. godine, stručna organizacija, obavlja poslove stručnog osposobljavanja vozača i upravitelja prijevoza.

Predložena jedinstvena cijena stručnog osposobljavanja po kandidatu rezultat je umnoška broja sati, a koji su predviđeni Nastavnim planom, sa cijenom nastavnog sata, a koja je, u skladu s Pedagoškim standardima i normativima za srednjoškolsko obrazovanje, utvrđena za manje složena zanimanja, odnosno za srednje složena zanimanja. Visina novčanih sredstava, za provođenje obuke određena je u zavisnosti od složenosti programa i zanimanja za koja se provodi, dok je cijena provođenja ispita te izdavanje potvrde, kao i program ista za svako predviđeno stručno osposobljavanje.

Pri formiranju cijene također se vodilo i dosadašnjim iskustvima stručne organizacije, zatim visinom plaća i naknada za uposlenike koji će raditi na poslovima stručnog obrazovanja, te potrebom osiguranja materijalno-tehničkih uvjeta za realizaciju navedenih poslova.

Prijedlog naknade za troškove periodičnog osposobljavanja formiran je prema osnovnom kriteriju da se u tim programima izvodi 60% Nastavnog plana, bez obaveze polaganja ispita, te se na taj način došlo do navedene vrijednosti za izvođenje Nastavnog plana periodičnog stručnog osposobljavanja za upravitelja prijevoza i vozača u međunarodnom cestovnom prijevozu.

Cijena usluga stručnog osposobljavanja vozača i upravitelja prijevoza iskazana je po kandidatu.

Članom 28. tačka h) Pravilnika propisana je obaveza stručne organizacije da Ministarstvu komunikacija i prometa Bosne i Hercegovine najmanje jednom mjesečno dostavlja izvještaj o svom radu i provedenim ispitima i osposobljavanjima.

Kada je u pitanju uređenje oblasti stručnog osposobljavanja upravitelja prijevoza i vozača u međunarodnom cestovnom prijevozu u zemljama okruženja, iz uporednih pokazatelja, koja su data dalje u tekstu ovog Obrazloženja, vidljivo je da se cijene usluge stručnog osposobljavanja vozača i upravitelja, kreću u okviru postavljenih standarda u toj oblasti.

U **Republici Srbiji** oblast stručnog osposobljavanja upravitelja prijevoza i vozača u međunarodnom cestovnom prijevozu uređena je na način da Centar za obuku pri Udruženju za saobraćaj i telekomunikacije Privredne komore Srbije vrši obuku i organizira polaganje ispita nakon odslušanog kursa. Privredna komora Srbije je posebnom odlukom propisala visinu naknada koje Privredna komora vrši na osnovu javnih ovlaštenja, s tim da za članove Privredne komore imaju određene pogodnosti u vidu niže naknade za izdavanje sertifikata. Također u cijenu obuke uračunat je i porez na dodanu vrijednost. Uplata naknada se vrši na žiro račune Privredne komore Srbije.

Iako podzakonska akta kojima se bliže uređuje oblast stručne osposobljenosti profesionalnih vozača nisu donesena, Centar za obuku provodi šest jednodnevnih obuka unapređenja znanja profesionalnih vozača, u skladu sa prioritetima definisanim EU direktivama.

Obuka za upravitelja prijevoza organizirana je u tri cjeline i to za nacionalni i međunarodni teretni promet, nacionalni i međunarodni putnički promet i za nacionalni i međunarodni putnički i teretni promet. Program obuke odnosno oblasti koje polaže upravitelj (organizatora) prijevoza propisuje Privredna komora Srbije.

Odlukom o visini naknade usluga koje u vršenju javnih ovlašćenja i drugih usluga pružaju organizacioni djelovi stručne službe, koju je donijela Privredne komore Srbije, propisuju se cijene za izvršene usluge Privredne komore, a čija visina zavisi od vrste provedene usluge, a kako slijedi u tabeli ispod.

Odlukom o visini naknade usluga koje u vršenju javnih ovlašćenja i drugih usluga pružaju organizacioni djelovi stručne službe, koju je donijela Privredne komore Srbije za 2015. godinu, propisuju se cijene za izvršene usluge Privredne komore, a čija visina zavisi od vrste provedene usluge, a kako slijedi u tabeli ispod.		
Takođe u tabeli su iskazane cijene usluga u protivrijednosti KM po srednjem kursu Centralne banke Bosne i Hercegovine, na dan 18.01.2019. godine (1 KM = 60,51 din)		
Vrsta usluge/ Naziv dokumenta koji se izdaje	Iznos naknade u bruto din/kom.	Iznos bruto naknade KM/kom
<b>Sertifikati stručne osposobljenosti</b>		
Sertifikat o stručnoj osposobljenosti za organizatora prevoza u nacionalnom i međunarodnom drumskom putničkom i teretnom saobraćaju	78.000,00	1.289,04
Sertifikat o stručnoj osposobljenosti za organizatora prevoza u nacionalnom i međunarodnom drumskom putničkom i teretnom saobraćaju (za preduzeća koja redovno izmiruju članske doprinose PKS)	72.000,00	1.189,89

Sertifikat o stručnoj osposobljenosti za organizatora prevoza u nacionalnom i međunarodnom drumskom putničkom ili teretnom saobraćaju	48.000,00	793,26
Sertifikat o stručnoj osposobljenosti za organizatora prevoza u nacionalnom i međunarodnom drumskom putničkom ili teretnom saobraćaju (za preduzeća koja redovno izmiruju članske doprinose PKS)	43.200,00	713,93
Sertifikat o stručnoj osposobljenosti za organizatora prevoza u nacionalnom i međunarodnom drumskom putničkom saobraćaju za polaznike koji poseduju sertifikat za teretni saobraćaj - i obrnuto	30.000,00	495,79
Sertifikat o stručnoj osposobljenosti za organizatora prevoza u nacionalnom i međunarodnom drumskom putničkom saobraćaju za polaznike koji poseduju sertifikat za teretni saobraćaj - i obrnuto (za preduzeća koja redovno izmiruju članske doprinose PKS)	26.400,00	436,29
Obuka i sertifikat - Vreme upravljanja i odmora članova posade u drumskom saobraćaju i korišćenje digitalnih tahografa – dvodnevna obuka za organizatore	18.000,00	297,47
Obuka i sertifikat - Vreme upravljanja i odmora članova posade u drumskom saobraćaju i korišćenje digitalnih tahografa – dvodnevna obuka za organizatore (za preduzeća koja redovno izmiruju članske doprinose PKS)	15.600,00	257,81
<b>ADR – transport opasnih tereta</b>		
Sertifikat o stručnoj osposobljenosti za prevoz opasnih materija u nacionalnom saobraćaju - OSNOVNI KURS	8.400,00	138,82

Sertifikat o stručnoj osposobljenosti za prevoz opasnih materija u nacionalnom saobraćaju - SPECIJALISTIČKI KURS - vozači cisterna	8.400,00	138,82
Sertifikat o stručnoj osposobljenosti za prevoz opasnih materija u nacionalnom saobraćaju - OSNOVNI KURS (za preduzeća koja redovno izmiruju članske doprinose PKS)	7.200,00	118,99
Sertifikat o stručnoj osposobljenosti za prevoz opasnih materija u nacionalnom saobraćaju - SPECIJALISTIČKI KURS - vozači cisterna (za preduzeća koja redovno izmiruju članske doprinose PKS)	7.200,00	118,99
Sertifikat o stručnoj osposobljenosti za savetnika za prevoz opasnih tereta	24.000,00	396,63
Sertifikat o stručnoj osposobljenosti za savetnika za prevoz opasnih tereta (za preduzeća koja redovno izmiruju članske doprinose PKS)	21.600,00	356,97
<b>CPC za vozače</b>		
Sertifikat o stručnoj osposobljenosti profesionalnih vozača - SRS	42.000,00	694,10
Sertifikat o stručnoj osposobljenosti profesionalnih vozača - SRS (za vozače iz preduzeća koja redovno izmiruju članske doprinose PKS)	38.400,00	634,61
<b>Jednodnevne periodične obuke za vozače</b>		
Obuka i sertifikat - Vreme upravljanja i odmora članova posade u drumskom saobraćaju i korišćenje digitalnih tahografa	11.400,00	188,40
Obuka i sertifikat Vreme upravljanja i odmora članova posade u drumskom saobraćaju i korišćenje digitalnih tahografa (za preduzeća koja redovno izmiruju članske doprinose PKS)	9.600,00	158,65
Obuka i sertifikat - Bezbedan utovar i obezbeđenje tereta	11.400,00	188,40
Obuka i sertifikat - Bezbedan utovar i obezbeđenje tereta (za preduzeća koja redovno izmiruju članske doprinose PKS)	9.600,00	158,65



Obuka i sertifikat - "Eko-vožnja" - ekonomična i bezbedna vožnja komercijalnih vozila	11.400,00	188,40
Obuka i sertifikat - "Eko-vožnja" - ekonomična i bezbedna vožnja komercijalnih vozila (za preduzeća koja redovno izmiruju članske doprinose PKS)	9.600,00	158,65
Obuka i sertifikat - Bezbednost saobraćaja i uzroci saobraćajnih nezgoda komercijalnih vozila	11.400,00	188,40
Obuka i sertifikat - Bezbednost saobraćaja i uzroci saobraćajnih nezgoda komercijalnih vozila (za preduzeća koja redovno izmiruju članske doprinose PKS)	9.600,00	158,65
Obuka i sertifikat - Vozač kao nosilac transportne usluge i imidža preduzeća	11.400,00	188,40
Obuka i sertifikat - Vozač kao nosilac transportne usluge i imidža preduzeća (za preduzeća koja redovno izmiruju članske doprinose PKS)	9.600,00	158,65

U **Republici Hrvatskoj** oblast stručnog osposobljavanja upravitelja prijevoza i vozača u međunarodnom cestovnom prijevozu uređena je Pravilnikom o početnoj i periodičkoj izobrazbi vozača donesenim na osnovu Zakona o prijevozu u cestovnom prometu, i provodi se na osnovu „Programa za stjecanje početnih kvalifikacija i periodičke izobrazbe“, koji čini sastavni dio Pravilnika.

Zakonom je definirano da nadležno ministarstvo rješenjem osniva komisiju koje uvidom u dokumentaciju i prostor utvrđuje ispunjavanje uslova za dobivanje ovlaštenja za provođenje „Programa za stjecanje početnih kvalifikacija i periodičke izobrazbe“, i o tome sastavlja zapisnik. Ministar, na prijedlog komisije donosi rješenje o ovlašćivanju pravne osobe i fizičke osobe - obrtnika za provođenje programa za stjecanje početnih kvalifikacija i periodičkog osposobljavanja vozača.

“Programom za stjecanje početnih kvalifikacija i periodičke izobrazbe” se utvrđuju nastavni sadržaji, plan provedbe i nastavne metode, izrađen u skladu sa minimalnim zahtjevima i sadržajima izobrazbe za početnu kvalifikaciju i provođenje periodičnog osposobljavanja. “Programe za stjecanje početnih kvalifikacija i periodičke izobrazbe vozača” provode pravne osobe i fizičke osobe-obrtnici koje za to rješenjem ovlasti ministar.

Pravne osobe i fizičke osobe-obrtnici mogu dobiti ovlaštenje za provođenje programa za stjecanje početnih kvalifikacija i periodičnog osposobljavanja ukoliko imaju: program za

stjecanje početnih kvalifikacija i periodičnog osposobljavanja, kojim se utvrđuju nastavni sadržaji, plan provedbe i nastavne metode, stručne kadrove za provedbu kvalitetne osposobljavanja iz svih tematskih područja utvrđenih programom, zatim imaju u vlasništvu ili zakupu najmanje po jedno motorno vozilo kategorija C1, C1E, C, CE, D1, D1E, D i DE, opremljeno za osposobljavanje, kao i da imaju u vlasništvu ili pod zakupom uredski prostor za prijam kandidata, nastavna sredstva i pomagala za izvođenje programa početnih kvalifikacija i periodičnog osposobljavanja, informatičku opremu i program za realizaciju teorijskog dijela, računalnu opremu za ostvarivanje informatičke povezanosti, u vlasništvu ili zakupu poligon za vježbanje. Odluku o visini naknade za polaganje ispita za stjecanje početnih kvalifikacija vozača donosi stručna organizacija, uz saglasnost ministra.

Nadležno ministarstvo Republike Hrvatske izdalo je rješenja za 49 pravnih i fizičkih osoba, kojima je dato ovlaštenje za provođenje programa za stjecanje početnih kvalifikacija i periodičnog osposobljavanja vozača za prijevoz tereta i putnika.

Hrvatska gospodarska komora i Hrvatska obrtnička komora provode ispit o stručnoj osposobljenosti upravitelja prijevoza i to pred povjerenstvom koje osniva ministar na prijedlog komora, a koje se sastoji od tri člana i to jednog predstavnika Ministarstva i dva predstavnika komora (po jedan predstavnik Hrvatske gospodarske komore i Hrvatske obrtničke komore).

Ministar pravilnikom propisuje program ispita o stručnoj osposobljenosti za unutrašnji i međunarodni cestovni prijevoz, popis predmeta, način i postupak provođenja ispita o stručnoj osposobljenosti te sadržaj i oblik uvjerenja, oblik i način vođenja evidencije i visinu troškova polaganja ispita o stručnoj osposobljenosti.

Visina naknada za polaganje ispita za upravitelja prijevoza iznosi 1.500,00 HRK, odnosno 1.600,00 HRK, ako se dostavlja i literatura za pripremu ispita, a kada je i u pitanju provođenje obuke i polaganje ispita za vozača visina naknade se kreće u rasponu od 750,00 HRK pa sve do 1.400,00 HRK zavisno od centra za osposobljavanje i od vrste obuke.

Visina naknada za polaganje ispita za upravitelja prijevoza u Republici Hrvatskoj iznosi 1.500,00 HRK (394,74 KM), odnosno 1.600,00 HRK (421,05 KM), ako se dostavlja i literatura za pripremu ispita, a kada je i u pitanju provođenje obuke i polaganje ispita za vozača visina naknade se kreće u rasponu od 750,00 HRK (197,37 KM) pa sve do 1.400,00 HRK (368,42 KM) zavisno od centra za osposobljavanje i od vrste obuke.
--

Napomena: Protivrijednost KM iskazana po srednjem kursu Centralne banke Bosne i Hercegovine na dan 18.01.2019. godine (1 KM =3,80 HRK)
--

### **III OBRAZLOŽENJE PREDLOŽENIH PRAVNIH RJEŠENJA**

Članom 1. ove Odluke definirano je da se ovom Odlukom utvrđuju cijene stručnog osposobljavanja vozača i upravitelja prijevoza, zatim način uplate i raspodjela uplaćenih sredstava, te da se cijene utvrđuju po kandidatu.

Članom 2. ove Odluke definirane su cijene ispita i stručnog osposobljavanja po kandidatu.

Članom 3. ove Odluke definirano je da kandidat utvrđeni iznos sredstva iz člana 2. ove Odluke, uplaćuje na račun stručne organizacije koja provodi stručno osposobljavanje, prije provođenja stručnog ispita i izdavanja potvrde o stručnoj osposobljenosti, te da stručna organizacija jednom mjesečno podnosi izvještaj o radu, u skladu sa instrukcijom Ministarstva.

Članom 4. ove Odluke stavlja se van snage cjenovnik koji je donio ministar komunikacija i prometa i kojim je, također, predviđen isti omjere raspodjele prikupljenih sredstva, te se propisuje donošenje i objavljivanje u "Službenom glasniku BiH".

### **IV FINANSIJSKA SREDSTVA**

Za realizaciju ove odluke nisu potrebna sredstva iz Budžeta institucija i međunarodnih obaveza Bosne i Hercegovine.

Novčana sredstva uplaćena po osnovu člana 2. Prijedlogu odluke čine prihode stručne organizacije koja provodi stručno osposobljavanje.